

摘藻堂四庫全書薈要

集部

欽定四庫全書薈要

集部

秋澗集卷十七



詳校官助教臣謝登雋

欽定四庫全書薈要卷一萬六千一百七十三


集部

秋澗集卷十七

元 王惲 撰

七言律詩

奉詠大丞相忠武史公


萬國鞭笞走帝庭堂堂爭識漢孤卿元勲高出麒麟上
曠度初無智勇聲儼景去翻髯影駕柱天留在笏端銘
白頭無地酬知己痛為蒼生淚滿纓

追挽元遺山先生

文奎騰彩憶光臨孺子何知喜嗣音

余年廿許以時文贊於先生公喜甚

親為刪誨且有文章重於相權泰山微塵之說即欲挈之西行以所傳畀予以事不克至今有遺恨

党趙

正傳公固在陽秋當筆我奚任天機翻錦餘官樣月戶
量工更苦心野史亭空遺事墜荒烟埋恨九原深

哭賈叔良別駕

今夏書來墨尚新並冬誰料訃音聞忍看玉樹摧崐火
空遣歌聲過嶺雲氣會可能鍾厄例天葩似靳吐奇芬
拊膺慟絕華顛母老淚珠傾滿練裙

祭館主謝總管

老師英威上將壇愛君雍雅戴儒冠依依孺慕懷丘隴
煦煦交情出肺肝枳棘棲鸞終鍛翮蜀江梁險失驚湍
傷心最是蒲中客馬首歸旌揭素竿

叅政楊公挽章

公墓在河南府甲戌以事入潞拜其下賦是詩以弔

天孫機杼五雲章簪珥飄瀟侍帝旁一扎恩光慚賤子
予一命翰林修撰其詞頭蓋出公手有云行己無玷博學能文顧超絕之異材足鋪張於偉績

百年清

議在中堂望隆鳳詔絲綸美吟繞瑤臺雪片香欲弔風

流俱寂寞滿丘秋草近宮牆

挽張簽省

自號順齋老人中統元年授太原平陽宣撫再簽東平行省

漢庭冠劍擁羣雄曾建嘉謀沃帝衷
白筆剛稜驚柱後繡衣風采照河東
鵬來近舍魄先褫麟出昌時道未窮
一掬西州門外淚不應悲絕獨羊公

留別總府諸公

超超天馬五花紋少日能空冀北羣
事梗不成旬月雅材駑空抱四時勤
情馳北闕烟花禁夢到西山日暮雲

一曲驪歌應恨別麒麟高閣捲殊勳

單學士挽章二首

生平才氣浩無雙彭蠡秋連萬里江
庭議儘高
清禁月苦心終對玉堂缸
百年世契先君厚萬斛龍文筆力扛
最喜誨人曾不倦洪鐘無憚寸筵撞

時論生平愛贅賢縱橫條列果無前
屈身為道思弘濟遇事明言見惡圓
韋杜去天纔尺五衣冠埋恨便千年
遙憐晚景山齋意地下修文恐浪傳

和劉懷州韻

二月燕城氣未華添衣風起漫吹花背陰凝慘松猶凍
藉潤含嬌草有芽得失正須論定分低回初不為謀家
長河有路通霄漢誰遣孤星滯客槎

荏苒風埃老歲華羞將勳業照菱花暖催回鴈舒雲翼
寒勒幽蘭茁露芽嚼蠟宦情無少味轉蓬身世不知
家客窗一夜江湖夢醉把長竿繫釣槎

蛛絲拂面喜生華照眼青燈夜有花雪屋苦吟饒客思

茶鐺寬煮試新芽一官除後三移次十夢驚來九到家遙想西溪墳下水碧翻瑤灩待浮槎

餞王全州二首

衛連鄘邨號交衝比屋休驚未可封鄉校廢來風俗壞
野田闢後歲年豐租徭雖免除民衆官府全更宿弊重
新政慮來無此切正煩裁減與優容

二十年來舊使君又瞻皂蓋擁朱輪試評異政三王果
何似天姿兩漢循田里務從安靜了使輶誰計送迎頻先

聲洽久民情喜聽到隨車一雨春

同劉景融西園懷古

錦擣西苑正隆修大定明昌是讌遊
海露恩波鼇抃首
花翻瑤艷雪迷樓三千歌舞繁華地
一片風烟慘淡愁
興廢算來無五紀至今靈沼咏西周

送高飛卿尹順德

朝家一革舊官空
整整新除示至公
善政擬超循吏上
寬恩却在詔條中
如君悃悃無虛譽
所至絃歌有實功

馬首快從紅旆去，百泉花柳待春風。

用劉景融韻答客問

寂寂從教笑仲華，羈懷坐老竹生花。
新除海隅無從問，喬木春深恐有芽。
追逐昔賢慚下惠，比量時輩愧劉家。
萬年儻作無聞去，枉說張侯泛斗槎。

西苑懷古和劉景融韻

彩鳳簫聲徹曉聞，宮牆烟柳接龍津。
月邊橫吹非清夜，鏡裏瓊花捻好春。
行殿基存焦作土，踏絳舞歇草留茵。

野花豈解興亡恨猶學宮粧一色勻

踏舞名見景元所錄金人遺事

瓊苑韶華自昔聞杜鵑聲裏過天津
殿空魚藻山猶碧水涸龍池草自春
民樂尚歌身後曲弓彎不見舞時茵
絳桃誰植宮牆外露濕胭脂恨未勻

和虞帝廟弔古

分開幽野自虞分上海雄沉載厚坤
玄德共瞻天北極殿基空對苑西門
蒼梧雲駕無從叫翠琰顏書固可尊
聞說二陵堪比德東風啼損杜鵑魂

和劉懷州韻

雨露中天日有華
暖和幽圃亦多花
事機不料先根本
顛木其能絕葉芽
老去戀時兼戀闕
愁來憂國不憂家
幾多至者星邊客
空望秋風八月槎

和高飛卿韻

錢郎滿腹好精神
人物當年見絕塵
常惜仕途知己少
不愁花樣入時新
趙張而後材難繼
季孟之間德有鄰
早晚青雲臺閣底
楊何同作眼中人

春來百草解通神其奈淒風漲野塵一為化權無定宰
百般生意不能新柳含凍眼迷陶宅杏簇枯枝倚宋鄰
和氣阻乖關治體仰空欲問待何人

別高屯田晦之

十年冠蓋幾相逢邂逅燕城燕喜同清賞已歇梨雪白
歸期休負牡丹紅千屯曉月鞭聲底一片田旌夕照中
自笑欲歸歸未得草堂無地着蘆鴻

即席壽青陽學士

湖海秋風駐節頻，此來猶似漢平津。
如公今得無期壽，笑我還先不速賓。
櫻筍厨香驚咄辦，江山筆健老能神。
玉堂未羨台階貴，人道詞臣是重臣。

和左山言懷韻

投獻王門非自謀，白駒雖白欲誰留。
烏飛魚泳有常分，漏盡鐘鳴合少休。
老驥志存終伏櫪，野人機靜不驚鷗。
會依綠野堂邊隱，一抹青山屋打頭。

遊封龍北麓

行近龍峰已稱心
栗留聲裏轉青林
雨如散髮來無際
山似幽人喜見臨
樹密連岡橫遠障
雲低隨馬布輕陰
鹿泉益薄何慙厚
伴我幽尋到碧岑

中溪書院

幽尋不為愛山吟
李相巖棲是賞音
身世正堪閒處着
時情尤比嚮來深
風烟物外開三觀
塵土人間望一霖
山若有靈歆素禱
泓寒碧代孤斟

贈知事劉大用

兩椽茅屋打頭低，中有林丘翠作圍。
無限雲烟供落墨，縱從胸次發天機。
一枝湘竹臨江活，萬疊晴山照眼霏。
疇昔過門清話久，前身疑是米元暉。

即事

指王鹿菴作

徹備虛驚已可懲，更堪行事日紛更。
創行有例推諸老，責備無端悚衆情。
遼海兵連思魏鄭，延齡麻壞見陽城。
窮愁正遠聞佳報，喜動皇都豈席生。

留別鎮陽諸公赴任濟南

梧桐葉上雨瀟瀟有似留連助寂寥身世未容歸壑晦
羽毛誰欲見雲霄三年潯水人情好六月齊州去路遙
回首北潭花上月時應歸夢到蘭橈

經史總帥戰處

乾石橋邊野澗橫分圍曾別亞夫營雲烟眼底紫蛇
陳草木風前有戰聲故壘按行傷往事青山依舊繞孤
城十年帶礪河山誓輸與汾陽貫日誠

閔子墓

聖門婉德亞顏賢李氏何知欲浼然三釜恐貽親老耻
一塵歸取汶陽田山禽容與和聲裏墟墓荒涼落葉邊
兩下頴濱碑下拜滿杯秋菊薦寒泉

公堂言懷

勲業羞將鏡裏看遭時自擬寸心丹勉從仕版無徵巧
硬着精神博一官寤枕夜長憂思悄公堂人靜雪花寒
眼中少事能如意管甚林梢又日殘

糟魚

霜刀截斷玉腴芳暖貯銀罌釀粉漿錦尾帶蘋傳內品
金盤堆雪喜初嘗解醒未減黃柑美雋味能欺紫蟹香
一筋饜餘乘醉卧夢橫滄海聽鳴榔

甲寅歲元日

癡絕何堪應事機閒心思與野雲期覩顏身世緣饑凍
覺老筋骸強拄持馬怯力微朝進處鳥知飛倦暮栖時
日斜凭暖烏皮几靜看爐烟裊碧絲

挽杜止軒

貧樂能安貴不淫百年癭海寄浮塵間中今古資談具
物外江山助醉吟氣義見來先急難文章拈出更雄深
追攀逸駕嗟何及時向逃空得苦心

一代人文杜止軒海翻鯨掣見詩仙細吟風雅三千首
獨擅才名四十年劍在不沉衝斗氣神游多了住山緣
老天未覺斯文喪齊魯諸生有正傳

挽孟德卿

龍驤東下破吳年談笑從軍侶仲宣亡國不驚三月

火捷書先動六朝煙當時籌筆何英發此日題詩倍黯
然湖海賢郎宜少慰光揚重見葺遺編

和張鵬舉詩韻

誰分先覺與凡民天理中來一氣春肯效寒蟄吟月苦
敢教宛馬列河神六經之外皆非學諸子以來宜有人
自嘆半生蟬蠹裏白頭無術動嚴宸

和張仲常韻

強顏陳力媿周任關盡當年得失林白首好看能幾日

虛舟相觸果何心
行身誰是無瑕玉
合志能裁躍冶
金退易進難吾道事此懷更比向來深

賦白舜愈多月亭

海岱東開迥地寬
小亭千里入凭闌
一軒風露金莖濕
滿地瓊瑤桂影寒
興比庾樓宜不淺
飲豪舒杓肯留殘
使君未老風流在
八表神遊夢采鸞

何處人間不夜天
月亭高倚月初圓
玉壺光轉青冥路
桂影香浮畫棟烟
一櫂蓬瀛知海近
滿庭金粟見秋偏

素娥若待停杯問愁絕當年李謫仙

遊佛首山開化寺至元廿一年四月八日挈行

者孫韃郎

盤盤石磴轉蒼崖山似青蓮四面開寺古說從兵後廢
官忙喜向靜中來半泓寒碧供僧飲一點烟螺認佛臺
我本婆娑林下客樹頭幽鳥莫驚猜

遊靈岩寺三首

行入山門已可吟葱蘢佳樹總幽尋氣分嶽秀開金界

鷲警陰魔護道林竹溜遠縈雲磴落烟螺濃並寺巖

深喚回三十年前夢此日登臨慰宿心

余三十年前夢遊一寺其形勢

殿舍殆與此不異

路轉峰回墮翠窠陽崖擁抱更嵯峨泉通碧澗來無盡
寺並青山永不磨林壑勝遊緣興適乾坤清氣與詩多
晚鐘似惜遊人去遠泛餘音繞澗阿

絕景亭高勝賞多杖藜到處即婆娑巖虛應磬聲長殷
寺古題名字半訛幾樹幽葩明寶供滿空金色下烟蘿

何時暫謝人間事放眼雲巒入浩歌

送世傑郎中奉使雲南

節旄堅駐海西陲奮自陳湯一布衣朔雪不辭霜鬢老
長纓直繫六王歸恩波重浹滇池浪赤羽何勞漢將威
想得諸羌迎拜處使華先動玉門扉

余按部奉高故人劉君之子持此詩來謁感念疇昔
已二十五年矣顧其紙札剝弊因為重書以遺之庶
幾孝標憐西華之意云爾贅筆如左

漢栢樹

蒼栢無城擁漢陵
闕宮遺樹鬱崢嶸
崔巍不植明堂礎
造物潛通岳頂靈
萬壑烟飛扶傑幹
半天風雨撼秋聲
白頭會見東封日
日照映鸞旂一色新

過沙溝店

高柳長途送客吟
暗驚時序啞鳩禽
清風破暑連旬日
好雨宜時抵萬金
遠嶺抱村回野色
行雲隨馬弄輕陰
搖鞭喜入淝城界
桑柘陰濃麥浪深

長秋官舍

十載隨人戴豸冠
望離清秩實多難
一身許國無知己
萬事關心空汗顏
花樣況非時制巧
功名宜為老天慳
季鷹何待秋風起
一夜歸心滿故山

觀光三首

十三年在
都下作

漢家宮闕碧岩堯
六合同來不待招
非此詎能隆上國
有臣何幸際昌朝
光連帝極環玄象
翠積中天仰鬱霄
葵藿寸心深向戀
日華明處五雲嬌

大元天子壯陪京盡殺燕雲作苑城彩鳳應門千仗肅
蒼龍雙闕五雲明千秋日月低宸極萬國衣冠拜統絃
蟣虱小臣何所祝年年嵩岳聽呼聲

長樂宮成孽宋廷紫薇垣外紫烟生明昌受款真兒劇
洛邑營周是小成正朔一家堯歷日青山三面漢金城
君王神武高千古緘口長沙建治平

壽鹿菴大學士三首

十一月
初一日

大節中流砥柱標高風孤振張吾曹眼中元老恩方渥

林下淵明氣正豪萬事縱心緣理勝三風當面與秋高
玉堂更覺台星重蓮炬長看照壽毫

陽春門裏開新第魚藻宮中侍講筵晚節不緣三徑屈
高風終愛五噫賢雅懷老去從多可萬事諳來愈自然
千古六經常道在就中能契是知權

風節生平以烈聞詞章獨與大蘇親天人重為斯文主
甲子洪開壽域春行草縱心書愈聖歌詩吟老語彌真
穆修亦是華巖客肯把韓編付授頻

贈友人張彥魯

并序

友人彥魯別予四年今歲秋有秦中之行道出淇右
時予亦北邁有期尊酒道舊為數日留既而分歧就
駕次日彥魯復追及余於朝歌南遂偕與北上前次
保塞逆旅追念往事耿不能寐為賦是詩以贈且傷
其會合之靡常歡樂之無幾也彥魯諱著世遼東人
北邁南遊有定期半途回駕喜追隨心因年老便多可
馬信車前亦緩馳綠綺素深平日雅碧雲儻盡向來思

一樽逆旅燈前話莫忘燕垂抵足時

趙州石梁

華表亭亭擁石麟車書萬里此通津
天垂螭螭卷千尺月吐蟾蜍隱半輪
片石鞭來能濟險大臣當用合橫身
征鞍歸路明年事一片春風柳色新

三臺懷古

萬里三臺作厲階漳流東注若為哀
才教逆叛羯奴去又得癩痴帝子來
紫陌衣冠森鬼樸芳華林苑墮兵埃

姦夷不獨西陵樹
苟或穿窬止自裁

壽姚雪齋

散髻飄蕭玉局仙
竹風松月共清圓
雲間正際商霖後
學與能窺太極前
瀛館寵光開壽域
太平勲業在經筵
慇懃春雨堂前檜
細綴冰花點翠妍

慶宋尹母八十壽

樹萱堂背已憂忘
金粉蓮苞貯靜香
風景四時藏秀麗
慈顏八秩見康強
賦中潘岳閒居樂
詩裏燕山桂子芳

會看肩昇宮戶底更勝陳氏配東牀

贈鄉先生逍遙子

姓韓氏曾為
尚書省郎

鶴髮飄蕭玉練顏一壺天地市朝間
集芳有驗扶羸劣
野鳥知歸謝往還幽睡不妨紅日晚
青山誰似白雲閒
會當華表歸來日重為留題方過關

送裕卿都司南還

前日翰林君送我今朝幽薊我辭君
十年契濶凡三覲
五月重遊此重分
世事有機難預料
後期無恙要相聞

何時從北從東稼解綬歸來約共耘

任懷遠慶九十詩卷

朱顏青鬢萬金身九十康強是福人擺脫世紛隨所適
棄拋家事見何親花香北渚盤杯具月滿南樓杖履頻
更為武公歌壽德一溪淇水照秋筠

挽楊春卿先生

曾為衛輝
路勸農官

山澤臞仙老使君十年談笑接多聞襟期自是羲皇上
肝膽初無楚越分冀北羣空逢伯樂斗南名重見田文

一丘宿草情何極，淒斷無終日暮雲。

寄壽博山趙總管

予方從事東平，日君適分符濮水濱。歲歷喜聞開九秩，客來爭說好精神。背鮐宛與龜紋秀，面頰丹逾鶴頂新。特似麒麟圖上見，形容全不老於真。

壽平章張公

時為副樞
故作者之

十年黃閣富經綸，落落蒼髯社稷身。公道救時仍此在，龍門歸譽見來新。菊香已辦南豐供，綠蟻無煩靖節申。

壽席今年得佳語太平勲業在麒麟

送商台符赴行臺御史

器識沉明義外方青衫難屈校書郎暫虛東閣郎君位
要聳南臺豸角霜八道風稜馳使節兩淮殘困是維揚
就中驄馬吾儕事匡正官邪最大綱

病目書懷

效樂
天體

病眼何時視物疑更禁風火內交馳越蛙悍目將誰怒
鰈淚傾珠盡日垂氣鬱方函昏暈鏡瘡連剛歛痛磨

雖悠悠伏枕三旬苦安得黃金刮目鏡

送按察王煥卿之任建康三首

滿移投上謝瘕床五郡河湟作省郎白筆冷搖瓜步月
綠橙香泛洞庭霜虛懷正切平時慮達變終垂後代芳
我老壯心猶未已彈冠端有羨王陽

十年臺省共翱翔機識沉雄義外方金節喜酬平昔志
綠橙香動夜來霜老懷雅有思深慮世故何憂事過防
眼看澄清開八道就中風動自丹陽

五郡河湟已有聲
繡衣直指又煩卿
恩寬注意務新闕
附衆於今慮孽萌
牛渚犀燃防過察
吳江霜落要維清
行司此去猶堪喜
地爽山高眼倍明

送李敬之按察淮東

遼陽三載淹廳幕
并府終年貳鐵官
桃李門庭慚自致
冰霜肝膽見來寒
推姦老子監司舊
復業遺黎暮枕安
想得桐淮東畔月
清光先照使君鞍

送馮壽卿簽事

小邑鳴絃踰兩考外臺簽事是榮遷未妨躡足青雲
後已著先聲白鴈前三世名家遺直在百城新附望恩
偏銀鞭莫緩青驄去野鷺羣飛正刺天

寄子初提刑自陝西改授行臺中丞治揚州

監司西去無三月建節東遷路八千仕宦得君當重地
澄清有路是瞻天霜封淮甸妖氛靜春入瓊花老樹妍
一策想能康濟了儘堪歸隱百門烟

目疾自警

效樂
天體

目手相須最切身連宵慘痛可傷神老緣貪得書為祟
壯為傷多酒入唇四大假來皆是苦萬般急遣亦忘真
悠悠未了三千牘束置從今不要親

寄梁幹臣簽事

湍移未貢別癡床去作襄州省幕郎遷拜總緣才力致
激揚猶稱老懷剛離情轉惡中年別衰鬢相望兩鏡霜
每度思君傷馬甫漳州南望白雲長

壽趙同簽

九月廿五日

丙年正月下江東榮拜人驚此日同破竹固成王睿手
侍謀多見茂先工松形秀並眉毫健軍務能開世道公
壽席今年更堪賀廟宮修治越裝空

送劉侍御

超騰高品數年間遊刃恢恢顧不難百越遠開炎漢域
兩淮爭識惠文冠燃犀牛渚魚龍慘霜落吳江草樹寒
成事自來輸有志不教勲業鏡中看

雨聲

敲破寒更韻未諧芭蕉未了更空堦隔簾響絕玳東珮
入耳愁生索寞懷孤嶼有舟添夜話殘燈無焰耿幽齋
憑君寫入瑤琴曲並與秋風洛水排

夢焦僉事坐在一官署論余除授於某官前

十月

十一
日夜

神交初不間幽明夢裏相看儼若生顧接宛同蘭省日
薦揚猶重故人情楓林魂黯人何在落月梁空思未平
枕上兩行知已淚覺來揮却又縱橫

送竄端甫宣慰東平

瀟灑風神見德隅，走趨知不利長裾。
老諳所事無多味，却覺閒官是羨除。
恩詔纔離溫室樹，甘霖先沛泰山墟。
憲陵山色溪堂月，剩有詩來當尺書。

送杜時舉歸平陽

四載河東頗閱人，愛君能靜復能貧。
一朝夜雨韋郎話，湍眼晴雲玉壘春。
未分風塵淹駿足，不妨麴蘖暫謀生。
因君西邁添余興，兩夜青山入夢頻。

哭張總判行甫 并序

公諱僚北燕人姓張氏字行甫姿蘊藉好賓客官至平陽府通判官詩所謂愷悌君子民之父母者也家藏書數千卷後以累落職年五十有七終於家晚作龍祠別墅溪風松月境趣瀟灑酒鑪茶灶筆牀釣具有幽居草堂之樂至元壬申余官冀府暇日與居徜徉其間者蓋三年於茲醉山頭之落照起舞鳴歌弄茂陰之清泉沙鷗靜玩追思往事傷何如之爰作悲

歌以賡薤露其詞曰

酒病人看指日瘳扣牀辭別竟彌留歸軒東下纔幾月
哀訃聞來已兩秋石壁冷埋泉壤閔黃壚不隔暮山稠
分明昨夜龍祠夢醉卧藤陰唱石州

君善歌
石州慢

婆娑杖履桂叢幽常恐山中識故侯野約授書黃石在

菊香浮甕草堂秋

一作滿甕秋香陶令
酒一川風月武陵舟

官情瀟灑陶彭

澤老境浮沉馬少游何日下車傾腹痛春風吹淚拜荒

丘

秋澗集卷十七

欽定四庫全書薈要卷一萬六千一百七十四

集部

秋澗集卷十八

元 王惲 撰

七言律詩

哭節齋陳公五詩

時為浙東宣慰使按行屬邑回過新安值羣盜被害年五

十有六至元丁丑九月七日事也

夷門樽酒罄平生誰料終玄在此行
鬚髮有靈通帝夢越戈無識斷由纓
救時譽在何多得憂道深思耻近名
南望兩行知己淚西風吹却又縱橫

笑談鞍馬最從容
遠自南陽到洛中
廷議有方先大節
丹心無間總清忠
餘人老去初何惜
四海經綸共望公
何日下車傾腹痛
喬玄林墓哭秋風

德音宣暢介鱗沾
遠調曾辭瘴海炎
寒谷變春方煦嫗
含沙窺影已陰潛
峰摧天柱山雖壞
桂折秋風氣陡嚴
伸雪絳冤誰有疏
吞聲空向九天瞻

煦嫗一作煥休煦
夫喻反休虛喻反

昭三年晏子曰民人痛疾而或煥休之煥休云痛而
念之也若小兒痛父母以口就之曰煥休代其痛也

盛氣橫空蓋代勲
揮摩旌壘張吾軍
乘時熟計利不利

為善但憂聞未聞千里歸魂關塞黑百年精在死生分
臨風痛瀉長河淚洒斷江東日暮雲

惡棘梟鸞苦未分挺身東擬下鱣吞義醢不信雄驅慘
死守庶全君父恩冤碧竟凝東粵血大招空返北邙魂
恢恢三木遺猶在儘是君侯未沒存

壽繼先侍御

幘幪雲下鬱雄沉偃植圓權力儘任持重要端風憲本
耐交尤見歲寒心望隆北海螭蟠譽思入南陔孝養吟

漏泄光風來獻壽
綵萱春滿北堂陰

送劉侍御分司上都兼呈中丞

何者功名是丈夫
細思初不外民區
油油雲葉從中合
盼盼羣情待一蘇
造命豈容論氣數
當筵能盡是雄圖
聖恩思治方宵旰
幾問南薰解愠無

題鳳山逸叟王明甫八秩手卷

二子長桓字巨川為旭州尹次

名構字肯堂今為翰林應奉

一府名香二十年
鳳山歸作地行仙
由來和氣薰陶久

不獨天與稟受全扶健漢更鳩有杖伴吟清獻鶴隨肩
更憐五馬鑾坡貴并領春風上壽筵

杜季明表兄史千載南還荆門索同賦為餞謹

詩三首以贈

杜時任中書省
左右司郎中

秀並岷峨萬仞青憶初載酒子雲亭幾年江渚悲鴻雁
一日沙堤咏鵲鵲共被載融荆樹樂還家不愧草堂靈
中郎儘擅平津閣未分歸槎老客星

干戈漂泊中年後邂逅相看抵萬金風景儘收孤客淚

山川何限故園心

一作去國不知江客恨名家猶是杜陵心

眼中棣萼春仍

好林下詩盟喜更尋南去瘴江多少阻平安休復到
家音

咏看錦水東遊日望入傳雲北上時憶弟遠冲燕地雪

聯芳未賦棣華詩風塵拋入青萍劍

一作清思琢出黃金壙

去路

留連白玉卮歸到荆門霜尚晚月明江樹影參差

張提刑子敬挽章

至元十五年六月十五卒在河南時作塞上曲云對月笛

中起愴然傷我情秋風一萬里總向
笛中生遙憐漢軍士掩淚下邊城

攬轡南來擬拜君逢人忍以訃音聞救焚有志遺深愛
博物何心泥款文卿月儘輝丞相府史評當策竹書勲
不須更聽西風笛愁滿西風日暮雲

深愛謂北京行省
郎中時曾救授軀

戶三百
餘家

詩寄李明郎中

中書機務日紛紛海寓披圖萬國賓善斷獨高如晦策
名家復見杜陵人遙憐綠水紅蓮地滿意清江玉壘春
正是救時心最切更須根本細經綸

暇日登飛仙休逸二臺

老圃臺荒草棘深魏公德業古猶今望隆異代瞻儀鳳
錦爛輕裘憶昔吟隴陌按行餘利澤山川包總見雄襟
羣鳥知愛如相語隔葉時聞送好音

詩寄劉清卿都事

朋簪終盍脫荷囊蘭到升庭見獨芳
毳幕夜書稱快夢冰壺孤抱映秋霜
十年紫禁烟花近四海金華姓字香
南北相望固迢遞久要情在恐難忘

秋日早衙示同僚閣簽事于靖

憲府潭潭尺五天按臨八道儘繩愆乘時佐理疎明略
攬轡澄清愧昔賢寬固可稱須有制事惟無詖乃能全
所行果計無尸素放枕能安一夕眠

慶趙仲器母八秩

遐壽能康世所稀滿前蘭玉更熙熙氣充自得豐長稟
德厚能高九十儀秋月簾籠來婺彩春風堂背看彤芝
燕城勝事今誰最聽取共岩介社詩

柳實詩宣慰高飛卿開宴出示此菓邀諸君賦

詩西溪首唱僕乃賡焉

坡仙帖裏藹餘馨炎帝圖經見典刑
辦削異樽陪北海暖包香霧自南溟
摩挲枵腹疑滕癭雋永天漿勝楚萍
吾子好奇時引飲沙頭閒却玉雙餅

寄叅政相公

不覲清揚近一年依依情在鳳池邊
碧雲思遠餘千里紅藥堦升有二天
兒輩初官僭好爵寵光沾喜動重泉

白頭無計酬知己會有文章見簡編

和西溪韻送良弼提刑赴憲臺之召

拳拳幾御大賢車

謂張平章張左
相姚雪齋也

氣量宏深見步趨望

重正煩天下計人和愛及屋頭烏百年笑我遽如許一
日似君其可無雅俗自來推坐鎮簡花奚待筆端區
百城方聳使君車遽應旌輶內殿趨儀羽望清初振鷺
栢臺陰肅已翔烏人材輩向中朝列天下看來一事無
數路清寧固佳政經綸何似被綿區

南來和氣擁輜車佩玉長裾利走趨阿閣再鳴瞻彩鳳
月明三匝笑驚烏事機應運深還淺才氣多君有若無
與論功名果何在此心初不外民區

送李觀還壽春幕府

并序

士觀友愛來辭促膝道舊眷眷有不能別者仍以親
老別遠佳眠食是祝士觀請即此為贈因率爾賦焉
見合肥王尹立夫為寄聲兼達茲懇云至元己卯重
午前三日也

去年首夏別燕城今歲晴和會汴京相顧鬢顏成老醜
不緣貧富異交情春蘭句好香生席歸路舟輕月滿旌
地接兩淮終瘴濕身安之外總虛名

挽禮部丁公郎中

荀班出佩紫荷囊漢署當年別雁行學古不回平日守
德方誰似老來剛眼中耆舊雲烟盡身後詩書坎掩香
臺閣清風有餘凜一丘埋恨吹臺旁

相下送舍弟官至鄧郾

時為竹
監使

十五年中三聚首一千里外兩相望春風邶北重分袂
喜雨漳南夜對床雲路暫淹騏驥足江沙晴護鵲鷁霜
公餘正要加餐飯陽武同宗只二房

舍弟仲略生朝

十六歲己卯五月廿一日時寓史開府宅

江漢堂深畫錦妍亭亭花影舞胎僊一樽此夕歌鴻雁
湍意春風醉管絃遺業繼承心共切此身加健壽為先
飄零南北初無定正要相看棣萼篇

送千秋都司任密州諸城令

竊效贈言
代抒衷素

梁苑相逢傾蓋初，照人秋水出芙蕖。
應憐世事方多故，却恐微官似美除。
處已道方何喜，愠濟時舌在儘紓。
徐下車莫後神明政，楚幕瞻烏待報書。

至元十六年歲在己卯四月十一日偕大同郭天錫
佑之大梁劉衝漢卿天党李昌齡千秋遊內梁門西
大佛寺寺即審實相院也主僧郭里人臘七十餘相
與會堂東丈室坐話閒文字及壬辰歲京城警嚴令
人慨嘆久之佑之為放生長歌劉起浮大白者數行

懷仰之思渙焉永釋然後知盛衰之不恒哀樂之無
端也開口而笑頻何厭焉遂留題而去侍行者安陽
趙楊義甫

帝城何處散春棕花木禪房一逕通共訝殘僧談世故
却憐閒燕得諸公風雲心事誰能了歡樂朋從豈易逢
聽徹清吟歸路晚金明池沼夕陽紅

山陽偶與大繼長相遇自辛亥年相別至今廿
八年矣追念疇昔作詩為贈

鮮鞍休下振清埃懷抱樽前得好開白髮滿頭心事
在青山當眼故人來風流自有高賢識感慨彌深漂母
哀讀盡深香轉蕭爽清吟不到伯倫臺

深香係繼長父
宜之文集號曰

深香閒適予此行本
擬遊石岩不果故云

漢東陽武太守臧公廟

袁曹形勢兩鳴梟趣向終非翊獻朝插血正圖扶漢鼎
殺身何獨為張超荒城草閭遺壇在喬木風高烈氣飄
琳也為思名節正有書明正苦相招

太守劉景融之任滑臺索書謹此為贈

十年錦帶佩吳鉤，曾翼龍驤控上游。
平日諸君稱雅厚，老來五馬更風流。
宦遊喜在西溪部，閒讌欣同畫舫秋。
歸雁亭前問遺俗，遲回初不為詩留。

信察判士達來辭以贈言為榮，因書此以送。且見余之素行云。

常憶終軍英妙年，此時頭角見巉然。
百城望重非輕責，六品除新實美遷。
姦弊得情矜勿喜，事機到手簡為先。

河東說是懷恩地未礙蘇章有三天

賦湖石得於汴梁

華陽萬石說卿雲族聚支分此遠孫疊障秀來雖掩藹
孤峯崛起更雄尊轉翻蒼背鱗猶動侍近紅雲色尚溫
覺我露臺光景麗洞庭秋氣鬱吟尊

和士觀見贈詩韻

鴻飛鷺散聚無時偶喜歸來共一池世路何心論薄宦
燈窗同業憶深資但教白壁無微玷問甚青雲有素期

却恐桐淮淮上月清光長使照睽離

春露堂三首

今年卜築露堂春頗覺吾廬發興新書帙盛陳欣有託
燕巢不定似嫌貧花枝照眼開還好竹樹當軒值漸勻
朝日兩竿濃睡覺不妨門外即囂塵

詩書真樂得新文不羨軒車日過門薄宦到頭終外物
一閒入手是寬恩東山不厭蒼生望北海羞雷綠蟻樽
花草湍庭從爛漫最憐當路種蘭蓀

貧家營構不容常五十年來自此堂春露榜題應有在
慈親孺慕詎能忘華滋濡濕趣庭處風采依稀隨日旁
我老自強觀志行泣然流淚撫青箱

送何參政北上

世事雲翻不易裁君侯真是濟時才若論經制明公道
儘足扶持是憲臺霖雨終期賢相在秋風聊應鶴書來
草茅亦有雲霄望執法清光接上台

幹臣周君邂逅淇上作

燈燼紅垂綴玉蟲鵲聲傳喜下霜空故人遠自京圻至
青眼依然白髮同道在固常忘勢重官清還復坐詩窮
章章久說襄城政早晚褒書示至公

魏家白樂天畫像

鄉人魏先生家藏樂天神一軸作二像對立一則五
十時容一則六旬後真也上有樂天自贊別稱為蓬
婆仙云三十年前屢獲瞻拜近讀公長慶集偶記此畫
為訪問云已磨滅久矣遂詩以弔蓬婆洛陽地名

魏家一軸樂天神三十年前繪色新
欲就醉吟師格律試尋鱗素墮埃
塵空留池上山中咏謾應花前月下
身官品文章吾敢覬似公真樂老能
親

嘉禾篇

并序

乙酉歲九月衛之南郊獲稼得嘉禾一莖九穗和之
至也田主李縣丞特以示余纍纍秀結小大連比誠
可異也人用餘咏忻忭昌已作嘉禾篇重陽後二日序
天地深恩雨露零嘉禾還自氣和生九秋灝爽團孤秀

一蕙功夫到九成太史書年同合潁漢庭稱瑞比連莖
表章莫後丹青賀人道豐穰是太平

種玉亭

徐子方宣慰有
詩因擬作三首

昆明雲錦壓凡才玉井移根手自栽不着詩仙分寶供
誰攜姑射下瑤臺流連夜月涓涓淨披拂清風細細開
不用葉浮滄海去芙蓉城闕有蓬萊

靈沼雲深寶氣存素華一夕發芳根烟中彷彿溪娘語
波面輕盈越女魂江上借裝增皓彩露華和屑貯芳溫

夜深更待瑤環供細挹秋香共一樽

休誇幻術有仙翁人定端能勝化工淑女固應歌窈窕
芳根元自雪玲瓏秋香入戶搖江羽羅襪凌波繞漢宮
莫向西風吹易散世間聲色本來空

西村二詩

兩月秋霖不出門今朝騎馬到西村高穹氣肅雲歸壑
老樹風多月擁根謾說田園宜野隱爭趨朝市羨時奔
古人大抵崇高節饑凍當時所不論

秋風泥潦擁柴門
兩月幽棲不到邨
野鳥伴耕翔水滴
寒蟲催織遶籬根
半生未免有饑凍
舉世其能息競奔
仕不力任閑不走
一生心苦欲誰論

桃花菊四首

一名胭脂紅

露洒明妃寄露葩
換根非為貯丹砂
黃輕白碎空多種
碧爛紅鮮自一家
騷客賦詩憐晚節
野人修譜是頭花
九秋霜露無情甚
時約行雲護彩霞

為厭秋容慘淡天
故將濃艷發清妍
烟霜輕拂吳姬面

丹臉能回白帝權寄傲儘凌青女肅閑粧宜刺繡衣鮮
留連最是東籬蝶細繞芳叢兩翅翩

容色風流操潔蠲一枝紅雪秀霜天氣凌金井欄杆曲
香在紅鸞扇影邊塞上闕氏凝夜紫月中仙子怨秋偏
少陵若遇情增重肯教重巖細蕊團

葉細枝柔巧剪裁丹砂濃抹入纖芽朱顏肯教劉郎老
紅影晴圍葛井開慘淡秋容空野圃飄瀟風露際天台
晚涼更覺清香異不厭芳叢百匝來

苦雨

乙酉歲自入秋以來每晴明不過二日輒雨今已三月矣時九月十六日作此詩以

寄慨

云

雲陰交會日長昏
老雨瀟瀟晝掩門
秋氣儘悲騷客志
草堂空有少陵樽
寵光薜蔓滋多碧
蕪沒蘭蓀似少恩
坐聽寒聲萬家裏
幾多繒纈有冬溫

晴明無幾日朝隰雲不容
同霧雨淒便着長風開白日
已令后土污黃泥
冷翻幽壑潛蛟舞
溫鎖喬林健鶻棲
萬象沉沉水光底
幾時高樹看晴霓

火鳥翅濕日脚昏雨中跳蛙亂登門少陵悲禾歎黑穗
元亮愛酌愁空樽氣惟協中乃成歲事至靈湓將傷恩
詩人吟咏何所補笑熱爐火回春溫

駑蹇從來策不全畏途有戒莫爭先但隨白傅看花約
宜信淵明止酒篇人笑苦吟疎巧宦天教多病護殘年
老夫歲暮歡雖鮮每對諸君一粲然

與諸君飲
會中作

赴趙子儀飲會

忠烈祠前是舊門一樽重約就門傾但成把臂論文飲

也勝拖泥帶水行樂事不須應節叙賞心最愜是閒情
一秋零雨朝來霽此會當題作喜晴

秋

醉頭扶起日三竿掃罷幽軒到藥欄傍架整齊書帙亂
繞籬料理菊枝殘日融虛閣留餘暖雨積高空促蚤寒
處置身心閒裏過不將勲業鏡中看

老去逢秋強作懷莫教閒惱上心來人情寡味隨年薄
世事無端觸境開東閣漫傳梅信好西風時送雁聲哀

客來茶罷無多話共趁秋陽曝背鮐

弔王提舉柔克

乙酉九月四日
自經於闕王廟

驚看神色自今秋奄奄殘魂到鬼幽叢薄未霜猶足蔽
事機已露欲誰尤百方作計難為地一意長歸是徹頭
昨日寢門臨吊處兩行哀泪不容流

前年除日儘多門獨喜南來弄竹孫入手固知餘利孔
刺頭何苦入膠盆海鷗枉訝多機客楚些難招不弔魂
漢壽祠前重回首短筇猶恐立黃昏

悠悠末路謀生苦穰穰羣奔為利來薄宦得勝閒裏
過畏塗合嚮冗時回誰知竹實療饑鳳却變錢神作禍
胎我老不堪多感愴一污還為素絲哀

憶初同舍在共城短小於中最幹精取舍近看臨老節
鋪謀全異早年情舌端雄辯堪排難霜後寒蟬了不鳴
重念人生生可貴世間萬事一毫輕

南來作監無多事舉手差池便兩分細論是非俱有說
大綱向背不同羣以身死事從來有為貨輕生古罕聞

不獨衆傷非正命秋空低處有愁雲

謝道人惠竹

春露堂成戶牖空閑藏無物禦深冬長梢來覓筠溪種
祥祉思憑道蔭功清泛細香添瓦鼎靜連秋月想烟叢
夜來紙帳梅花夢已在融融和氣中

筠溪軒詩卷補亡

筠溪舊有亭雅甚往年為秋潦所圯亭與詩卷俱波
蕩不存今歲冬來遊紫微道者丐余詩將欲補亡且

致重構之意仍為賦此中間飲客蓋廿八年前同游者
侍臣陳季淵奉使覃溪煥然平河牧今右丞史晉臣禮
部尚書王子勉侍御史雷產正與不肖紫微道者威儀
杜大用也時乙酉十月二十一日

重到筠溪二十年眼中風物頗蕭然雙旌尚憶經行處八
客同來作飲仙露濕雲梢回曉翠月明瑤圃淡秋烟道
人說是潜珍客更看飛檐插碧淵

慶雲鸚鵡杯

桂魄淪精貯海波神光分秀入紅螺卿霏護暖圍蒼腹
丹啄蠙寒縮翠窠縱飲雅當豪客意垂雲無復綠衣歌
一樽細浥江山筆夢到芳洲碧草多

鸚鵡螺

翠衿紅背謾多知不覺流形入化機淒斷隴雲迷舊宿
潤涵炎海有餘輝酒波碧飲珠還浦螺女棲深玉作圍
昨日玳筵揮飲處故令歌緩恐驚飛

自嘆明言出更難奮形飛入巨螺間中空唇吐潛珍羽

外示文明變炳斑春釀盡供身後樂雕籠全勝向來閒
深藏且莫輕為用合浦珠神有往還

何年犀火採螺江一竅重開混沌蒼鮮語已迷青鳥使
幽居渾是雪衣娘海苔暈碧猶霑濕慧舌能嬌自閑藏
莫遣綉簾明月入湘妃窺伺恐携將

隴鳥何年別故山珠房深鎖雪衣閑調音厭落佳人後
勸飲來陪狎客間山鬼吹燈驚怪供春風浮酒對蒼灣興
來一吸三江盡醉入無何肯易還

醉一作逸肯
易一作不要

飛潛相化理堪驚老蚌還成隴鳥形
鱸汲似憐唐相飲江沉應笑屈原醒
坡陀海露神竈窟漱灩波翻竹葉聲
我老探奇心尚在醉來歸夢繞螺亭

隴禽辨慧世同誇何事將身學海蜩
江月洞空珠有淚卿雲覆體玉生花
回天不入深宮夢樂聖欣歸左相家

常憶郡樓初飲處頓令觴罍失光華

至元十年官居平陽時監郡邀余飲

白雲樓上出此器歡客余初見之故云

扎拉岱斷事官系出中朝勛族喜讀書溫雅

尚禮樂與賢士夫相接過衛來訪慇厚之意無以
相答謹作是詩為贈且見夫妙齡英發之氣云
赫赫金張奕葉崇濟時還屬黑頭公讀書志在諸君右
奉命名高畫省風一札恩光寬大裏八州刑憲笑談中
皇家求治如飢渴莫後當朝補衮功

餞王倅北行

邙衛從來八達衢三年不易二為車一官聊爾開公道
四海能行即丈夫花外驛亭留故事日邊消息聽新除

諸君若問民間治最重無輕是使符

壽鄉兄君玉平事

七十平頭鬢未毛久將家事付兒曹心使教子初無惜
日喜延賓不厭勞花木漸成林下趣襟期猶是邑中豪
年年櫻筍堂前客常對珍珠滴小槽

送從事李廷玉北上

邳衛從來四達奇三年不易曳長裾持心有道清廉在
遇事能方長厚餘入幕不知王儉客携行唯見恕軒書

揚清激濁朝家事不信銓曹止舊除

秋欄四章為仲畧弟皆有和章丁亥秋季也

宜男

松竹庭前草半蕪幽花含笑發春腴暖回堂背孤根秀
畫出宮池百子圖浥露冷搖金鳳淡翻香重上髻雲烏
怡然坐對忘憂外披拂餘芳任蝶鬚

寒菊

三徑歸來已就荒更看風雨過重陽自憐楚些清吟苦

留在寒花晚節香黃蝶有情時見過綠樽無酒淡相
忘蕭蕭五柳門前路何處斜川接醉鄉

秋蝶

舞困春光興未窮又將心事戲秋風凌晨起暖翻朝煦
薄暮栖香入菊叢幾夜留連迷曉夢誰家圖寫出深
宮翻然不逐韶華老飛過欄杆西復東

薔薇

月下亭臯百卉空秋陽分暖發春叢重滋芳露供坡

墨雨見嬌黃出漢宮要伴紫荆昌節晚肯容鮮菊擅
西風結恨得所元來盛及物為祥恐未公

謝趙主簿惠古甌

貯藏元氣閤重泉土暈苔滋碧頸圓枵腹戒貪瞠兩餐
佳城定日見千年茂陵神盃知金重銅雀澄泥比玉堅
聞說插花多結實露堂從此得春先

上巳日禊飲林氏花園舍弟仲畧首唱

臘蟻香浮金叵羅一聲清艷過雲過千年盛節稱元已

四座佳賓到永和曲水風流清興在茂陵依約綠陰多
柳圈儘帶餘徵去未擬花枝照鬢皤

和韻三首

朋盍華簪擁佩羅秉蘭聽我醉如歌柳圈泛灩風漪去
樂事追隨獻歲和坐近綠陰花氣重步携紅袖野吟多
杯行到手須沉醉六客樽前我最皤

春晚衡門厭雀羅臨流來咏舞雩歌喜從多士明卿飲
趁此春風扇物和林下幽香蘭草暗樹頭春暖野禽多

楊花也惜芳筵散糝亂溪橋似雪皚

麗日晴川艷綺羅琵琶聲起紫蘭歌衣冠盛集有今日
花柳春風覺太和闔郡浮觴從此始百壺載酒不為多醉
扶歸路人爭看不道花枝笑鬢皤

喜雨

丁亥歲三月十四日晨起露氣甚潤疑雨兆是日夜
大雨作至明日晌午乃霽後二日即立夏四月節時
頗旱故有此作

一氣先瞻玉露瀼
夢驚簷溜曉淋浪
洗開塵瘴千年靜
釀出春風百草香
人變嘆憂為燕喜
歲回時歎作金穰
兩盂糲飯朝饑了
從仕閑居總未妨

題雪堂雅集圖

擾擾王城若個閒
禪房來結靜中緣
機峰為道靈師峻
樽酒同傾綉佛前
談麈風清穿月窟
雨花香細颺茶烟
應慙十九人中列
開卷題詩又五年

瑞麥

農使荀正甫過邯鄲得麥一莖九穗蓋未之見也作
詩以誌其祥是年農司復立一依已行條格丁亥歲
夏五月也

麥秀從來說兩歧連枝九穗若為奇物關極數知陽盛
人飲天和樂歲宜同穎並歌唐叔稼駢莖休頌漢房芝
天心自喜農司復一札恩光總舊規

秋風如水聲

丁亥歲六月十九日酉正二刻立秋是夜聞秋風自

東北來如大水將至

靜觀天意儘孚誠一夜秋風似水聲志士聽來心未穩
客窗聞處夢先驚物華披拂爭寒實鴈隼憑凌想迅征
常笑晉人無遠用扁舟東下為尊羹

遊白茆寺

為愛西山欲徧經春風吹馬上峻嶒千章古木偎崖寺
一點清光守障燈石磴題名留故事松陰移榻對殘僧
婆娑最樂雙泉水潤入高峰露氣凝

歌器詩三首

并序

昨飲韓進道家座間出歌器勸酒暮歸醉卧既醒夜
四更試作二詩吹燈起書覺筆端甚來之易也投筆
就枕復得一詩似勝前作明日示弟忱請行合屬即
為之先和

神物誰移代酒船轉縣金解兩楹間纔中便得居安理
稍溢還成覆水艱魯廟橫陳猶賜寶金鸞揮洒憶朝班
汪然能起鯨吞興鸚鵡為螺恐後顏

卿雲垂彩捧宗彝終日持盈伴狄儀
湍酌綠波浮艷蟻
雨椿春色上修眉
致恭幸遇神明器
勸飲休誇金曲卮
抖擻宿醒還頓悟
此心纔倚已惟危

几杖槃盂總有箴
古人垂戒一何深
以漿為酒惟無量
覆水藏機恐過斟
魯真兩楹朝復暮
崖州一賦古猶今
儼然頓獲神明觀
常記春風拜孔林

賀介甫提刑德雄

海中仙果自珍奇
莫訝秋風得子遲
瓠暫定輪陳氏子

卷十八
蘭芽端咤馬家兒蒼蒼有道旌遺直繼繼無窮見孝思
湯餅筵前最忻喜老親時抱笑含飴

成耀卿以所釀秬酒相餉賦詩走筆以謝

玉色芳醪已可憐白衣持送飲中仙周書盛說神明誦
齊楚休誇桂酒玄光透銀觥無表裏法傳真體得蹄筌
醺然坐我春風底夢到明禋二卣前

丁亥歲重九日同弟忱展墓奠辭二首

黃葉番番落帽風今年秋祀喜君同生榮沒感無餘憾

秋降春生又一終
玄壤潤涵泉脈遠
饑鳥飛去券臺空
兩鄉相望幾千里
常在神靈顧護中

鳥亂溪流濕
鐙金捨鞍齊
簇野棠陰
千年盛氣通
滄海
滿袖秋香
奠祖林
廉石未瞻
先世號表
行終愧古
人心
哀年最切
光揚事此
意從來不
獨今

右和舍弟
仲畧韻

奉奠野臺之什

墳南岸相對一方甚高平天然
一臺弟仲畧因曰可為王氏祭

祀奠
拜臺

秋興非關觸物哀
時經墟落自悲哉
重門未署榮親表

暗用原涉南陽阡事

老岸先為下馬臺

暗用董生下馬陵事

節序登臨車轂

擎春風粧點野花開一杯共酌清泉水長繞先塋兩面

來一作滾

送弟仲略得假南行

舉頭健翮看雲鵠跼跼爭教墮水飛假促最先無累保
事纏當重早知機雲連鄧鄙春泥遠路過襄城野店稀
去去莫辭鞍馬倦迎門兒女要牽衣

綠毛龜

四海金明一渥洼，伏藏來自水仙家。背裘裘屬元居
長髮散柔絲，翠有華浮出淵泉。看處好泳游蓮葉，認
時差杖扶行嘆陪三老夢。繞春烟鶴禁花，此龜至元十
三年千秋節
陪姚左丞許祭酒許榮祿行香東朝
禮畢觀交趾所進大蔡故云鶴禁


洛水當年負緯書，獻嘉此日野人居。蒼鱗閃閃精分斗
暖髮毵毵翠滿軀，元氣嚙來終不老。芳蓮巢處更堪圖
詩成喜覩詞臣賦，蚤晚人文與瑞符。

至元廿九年丁亥秋九月廿四日壽中丞王元復放

生者以此龜來獻余以靈物罕見為賦一詩明日偶
得大定廿三年壬寅冬党承旨郝侯張甫所進賦贊
墨蹟序說明時嘉瑞甚郁郁也當時竹溪纔以應
奉供職文與翰已復如此宜乎金百年以來文章命
脉得其正傳者公一人而已因念予平日所行造物
者皆使之前知此節雖出事後其類大同亦可重
也故并及之

秋澗集卷十八

謹按卷十八第十九頁前八行札拉岱舊作扎刺觥今改



總校官進士臣胡榮

校對官學正臣卜惟吉

膳錄貢生臣袁瑩